

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-16391/23
Sarajevo, 25.9.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Rekonstrukcija sanitarnih prostorija u objektu Općine Novi Grad Sarajevo

I

Prihvata se preporuka Komisije za javnu nabavku radova i okvirni sporazum u postupku javne nabavke – Rekonstrukcija sanitarnih prostorija u objektu Općine Novi Grad Sarajevo, broj obavještenja 422-1-3-184-3-177/23, objavljeno na Portalu javnih nabavki dana 21.7.2023. godine, i “Službenom glasniku BiH- Oglasnik javne nabavke”, br.52/23 od 28.7.2023.godine, dodjeljuje se ponuđaču “CENTAR-HAN” d.o.o. Sarajevo sa ponudom u iznosu od 382.980,00 KM bez PDV-a, odnosno 448.086,60 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originalni ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj Odlukom broj 02/12-19-16391/23 od 11.7.2023.godine Općina Novi Grad Sarajevo pokrenula je otvoreni postupak javne nabavke - Rekonstrukcija sanitarnih prostorija u objektu Općine Novi Grad Sarajevo, broj obavještenja 422-1-3-184-3-177/23, objavljeno na Portalu javnih nabavki dana 21.7.2023. godine, i “Službenom glasniku BiH- Oglasnik javne nabavke”, br.52/23 od 28.7.2023.godine.

Zapisnikom o otvaranju ponuda od 14.8.2023. godine Komisija je konstatovala su u predviđenom roku, u propisno upakovanim kovertama, pristigle dvije (2) ponude ponuđača:

1. ZZ „GROS-COMP“ Hadžići
2. “CENTAR-HAN” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku, te utvrdila da dostavljene ponude ispunjavaju kvalifikacione uslove tražene u tenderskoj dokumentaciji. Komisija je izvršila računsku kontrolu te utvrdila računsku grešku u ponudi ponuđača ZZ „GROS-COMP“ Hadžići, odnosno neslaganje ponuđenih cijena u obrascu za ponudu (Aneks 2) i u obrascu za cijenu ponude (Aneks 3) tenderske dokumentacije.

Računska greška se odrazile na ukupno ponuđenu cijenu za ugovor u Aneksu 2 i Aneksu 3 ponude, tako da ista treba da iznosi: **383.366,62 KM bez PDV-a, PDV treba da iznosi 65.172,33 i ukupna cijena za okvirni sporazum treba da iznosi 448.538,95 sa PDV-om.**

Komisija je dana 15.8.2023.godine uputila ponuđaču obavijest o ispravci računске greške, o čemu je ponuđač dostavio saglasnost broj 150-03-46/23 dana 18.8.2023. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „ZZ„GROS-COMP“ Hadžići sa ponuđenom cijenom za okvirni sporazum u iznosu od 383.366,62 KM bez PDV-a, 2. „CENTAR-HAN“ d.o.o. Sarajevo sa ponuđenom cijenom za okvirni sporazum u iznosu od 384.605,26 KM bez PDV-a,

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 11.9.2023. godine sa početkom u 09:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-184/23 od 11.9.2023.godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „CENTAR-HAN“ d.o.o. Sarajevo sa ponuđenom cijenom za okvirni sporazum u iznosu od 382.980,00 KM bez PDV-a,
2. ZZ„GROS-COMP“ Hadžići sa ponuđenom cijenom za okvirni sporazum u iznosu od 383.366,62 KM bez PDV-a,

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za okvirni sporazum ponuđača „CENTAR-HAN“ d.o.o. Sarajevo iznosi 382.898,00 KM bez PDV-a, odnosno 448.086,60 KM sa PDV-om, o čemu je ponuđač dostavio saglasnost broj 054/23 dana 13.9.2023. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem „CENTAR-HAN“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Hrasnić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik
mr. Semir Efendić